

Հապատես լինենք

Չգիտեմ, թե ինչի հետ կարելի է համեմատել ճննդավայրի կարոտն ու քաղցրությունը, մանավանդ եթե դեպքերի բերումով դու այլևս այնտեղ չես ապրում: Քո սրտի ու մտքի ականջներին, մայրական օրորի հանգով, շարունակում են ինչեղ մանկության և պատանեկության տարիների ոսկեվարս հեքիաթները: Եվ դու առիթը բաց չես թողնում այցելության գնալու քո արմատներին: Ու ի՞նչ անհամբերությամբ: Գնում ես, քայլում ծանոթ արահետներով, և նորից ու նորից համոզվում ես, որ քո ճննդավայրի օդն ու ջուրը, անտառներն ու սարերը ուրիշ են, յուրահատուկ համ ու հոտ ունեն: Իսկ եթե այդ գյուղի գերեզմանատանը հանգչում են նաև քո ծնողները, հարազատներ ու ընկերներ, ուրեմն դու այցելության ես գնում ոչ միայն քո հայրական օջախին, ասես նաև անմոռաց մի սրբավայրի գուռ ես բացում: Եվ քո ծանոթ ու անծանոթ համագյուղացիների հետ խոսք ու զրույց փոխանակելուց, այս աշխարհից գնացածների հիշատակին սիրո և հարգանքի սուրբ մատուցելուց հետո վերադառնում ես քո նոր տունը՝ թեթևացած, հոգեպես մաքրված: Վերադառնում ես՝ հաջորդ հանդիպման հույսը քո սրտի ծալքերում պահած: Եվ այսպես՝ տարիներ շարունակ, մինչև որ վրա է հասնում անխուսափելին...

Իմ Գետաշենը Հյուսիսսպին Արցախի ամենախոշոր գյուղերից է: Եղել է և մնում է: Գյուղի տարեց մարդկանց վերակայությամբ մեր նախնիները եկել են Ղարաբաղի Հաթերք, Մոխրաթաղ և այլ գյուղերից: Ե՛րբ, դժվար է ասել: Ամենատույզ վկայագրերը գտնվում են գյուղի գերեզմանատանը: Դրանք կիսամաշ կամ երկու

կես եղած խաչքարեր են: Մեկի վրա հազիվ նշմարվում է ԾՂԱ, այսինքն՝ 741 թվական: Ուրեմն Գետաշենն ամենաքիչը 1200 տարեկան է: Անհարմար շինի հարցնելը, այդ ժամանակ որտե՞ր էին այսօր իրենց այդ հողերի տերը կոչող աղբրեջանցիները...

Գյուղից ոչ շատ վերև, անտառի փեշերին, փովել-տարածվել է մեր հրաշք Կապույտ լիճը, երևի բնության ամենաշքեղ ստեղծագործություններից մեկը, որի անունը, գյուղի անվան նման (Չայքենդ) քարտեզներում և պաշտոնական թղթերում երևում է թուրքերեն թարգմանությամբ՝ Գյոյ-գյոյ: Մեր անվանի սրատմիչ Կիրակոս Գանձակեցին իր «Պատմություն հայոց» գրքում նկարագրում է 1139 թվականի ահավոր երկրաշարժը, որը և պատճառ է դարձել Կապույտ լճի առաջացման: «... Եղև շարժ սառտիկ և կործնեցապ քաղաքն Գանձակ, և տապալեցան շինուածք, որ ի նմա, ի վերայ բնակչաց իրոց... Փլավ և լեռն Այնարակ ի շարժմանն և արգել զծորակն, որ անցաներ ընդ մեջ նորա, և եղև ծովակ, որ է մինչև այսօր: Լիճն ի նմա ձկունք ազնիվք»: (Նկատի ունի կարմրախայտ ձուկը): Բայց չգիտեմ ինչու ես համոզված եմ, որ այդ «ազնիվք» գնահատականը առաջին հերթին վերաբերում է հայալ քրտինքով ապրող իմ համագյուղացիներին:

Նաև մի շատ մին ավանդություն կա գյուղի վերևում, Դեզատեղերի վրա կախված Ղուզ քարի մասին: Իբր թե հին ժա-

մանակներում մի ածրահա ու դաժան մարդ է եղել, անունը Օղուզ, այսինքն՝ անկուշտ: Սա ուզում է ամուսնանալ մեր գյուղի աղջիկներից մեկի հետ: Մերժում են, չեն տալիս: Օղուզը որոշում է ոչնչացնել գյուղը: Էդ հսկա ծայրը շալակած բերում է, որ շուտ տա գյուղի վրա: Մեր մեծ սուրբ Պանդը, էս բանը որ տեսնում է, խղճում է գյուղին ու մշտրակի մի հարվածով Օղուզին քար է դարձնում: Էդպես էլ մնացել է, քարի տակ կուցած: Ըղթաներն էլ են երևում, որոնցով շալակել է ծայրը...

Գյուղի միջով հոսում է Քուրակ գետը: Այստեղից էլ՝ գյուղի անունը, Գետաշեն: Արևառատ օրերին, երբ Բրուտի հարթից նայում ես ներքև, գետն ասես արծաթե գոտի լինի՝ գյուղի մեջքին կապած...

Երվանդ Հաղայանի տվյալներով, անցյալ դարավերջին Գետաշենում 446 տնտեսություն է եղել 2558 բնակչով: Անցյալ դարի վաթսուհակն թվականներից գյուղն ուներ իր երկդասյա պետական-արքունական (ոռուսական) դպրոցը, նաև՝ ծխական դպրոց: «Մշակի» վկայությամբ 1895 թ. գյուղում կար մանկական գրադարան՝ 170 կտոր գրքային ֆոնդով:

Վերջին պատերազմից առաջ Գետաշենում ապրում էր ավելի քան 2000 տնտեսություն: Պատերազմ են մեկնել 1800 հոգի, որոնցից մարտի դաժան ճամփաներին են մնացել 865 երիտասարդ: Գյուղի նախադռանը, Կալերի մոտ, փառահեղ հուշարձան է կա-

ռուցվել զոհվածների հիշատակին: Հենց այդտեղ, Կալերում էլ վայրէջք է կատարում շրջափակման ու շրջապատման մեջ գտնվող գյուղի միակ կապող օդակը՝ ուղղաթիռը: Համոզված եմ, իմ նահատակված համագյուղացիները դառնությամբ հարցնում են՝ մի՞թե մեր ջանել կյանքը տվել ենք այսօրվա համար...

Գետաշենը տվել է ավելի քան 100 գիտության թեկնածուներ, 5 դոկտոր-սրոֆեսոր: Իսկ ճարտարապետներ, բրժիշկներ, ուսուցիչներ... Արժե՛ շարունակել թվարկումը: Գուցե բավական կլինի ասել, որ Գետաշենը շեն ու անվանի գյուղ է, հայկական մի մեծ ու սուրբ օջախ:

Եվ այսօր, վերակառուցում և դեմոկրատիա կոչվածի պայմաններում, ահավոր սև ամպեր են կուտակվել իմ Գետաշենի գլխին: Նոր օղուզներ են հրապարակ կել, ուզում են կործանել գյուղը, միայն այն պատճառով, որ նա հայկական է: Կանգ չեն առնում ոչ մի բանի առաջ: Սրբավայր Պանդն էլ անգոր է ցրանց քար սիրող քարացնելու... Գուցե բավարարվե՞ք մի պերճախոս օրինակով միայն: «Մոլոդոյոմ Ազերբայջանա» թերթի այս տարվա համարներից մեկում տպագրված է ոմն Շարիֆովի հողվածը, որտեղ ասված է. «... Հայաստանում այդ գյուղի Չայքենդ անունը վերափոխել են իրենց ձևով, դարձրել Գետաշեն»: Ուրեմն մե՞նք ենք թարգմանել: Երևի այսպիսի դեպքերի համար է ասված՝ չգիտես խնդաս, թե լաս...

Հիմա Գետաշենում հարյուր տնտեսություն կա: Ամուր ցրտած պստում են գյուղը: Մյայրքան ընտանիք էլ երևանում է ապրում. սա էլ երևանում է Գետաշենը է: Իսկ եթե հաշվենք նաև Արույանի, Արզնու, Սևանի և հանրապետությունից այլ շրջաններում ու միութենական քաղաքներում ապրող Գետաշենցիներին, կատաղի տվելի քան երեք հազար տուն, տասը հազար բնակչությամբ:

Մի իսկական գյուղ-քաղաք: Բայց, հասկանալի է, ամենամեծ ծանրությունն ընկնում է գյուղում ապրողների, դասը պահողների վրա: Համարե՛ մենք աշխատում ենք զորավիզ կանգնել գյուղին, օգնում ենք ինչով կարող ենք: Գրե՛ք քախտաքար այդ օգնությունն ի գորու չէ հարցի արմատական լուծումն ապահովելու համար: Գյուղը վաղուց է դիմել Շահումյանի շրջանի մեջ մշտնելու խնդրանքով: Լուսն են իրավասու մարմինները: Դե՛, միշտ այդպես է. քո առաջարկն իրենց սրտովը չեղալ, խոյ ու նամբի դիմակ կհաղենեն... եթե Ղարաբաղի խընդիրը փակույտ է մանդիպել, մի գյուղի հարց կարո՞ղ է ներանց հետաքրքրել, առափնես՝ անհանգստացնել: Լավ էր ասում իմ մանկության ընկերներից մեկը. «Ախր ինչու՞ պետք է մենք էսպես անտեր մնայինք: Ժամանակին Գետաշենը Ղարաբաղի կազմից դուրս թողնողի մեջքը կուտըրվի...»:

Միևնույն է, բավատեսությունը չի լքում իմ համագյուղացիներին: Նրանք համոզված են, որ վաղ թե ուշ Գետաշենը, Շահումյանի շրջանի հետ, Արցախի կազմում կմիանա մայր Հայաստանին:

Երա՛նի այդ օրվան:
Գրիգոր ԲԱԱՍԱՆՅԱՆ